



Mombel 2 magg 2017

Comunicà stampa

FESTA "VALORIZZIAMO L'ESISTENTE" - La Bienal dlë svilup ch'a dura dël sit UNESCO CollinaPo

Cost a l'é ël nòm dàit a la festa, a la sconda edission, che la Comun-a 'd **Mombel a presenta dumìnica 28 magg 2017**. La Bienal an sle bon-e pràtiche për lë svilup ch'a dura dël teritòri.

Tante realtà locaj, e nen mach, a s'ancontreran an cost cit pais, piassà a metà stra tra Cher e Castelneuv, për dimostré che ant na società anté che a smija ch'a-i sio mach rus, crisi e tension a l'é possibil propon-e quaicòs ëd divers. Un messagi ch'a sè sposa perfetament con la mission dël sit *UNESCO Riserva della Biosfera CollinaPo* (ant ël programa *Man an Biosphere MaB di UNESCO*), dël quale la Comun-a a fà part, ansema a j'àutri 85 teritòri comunaj dl'area oriental dla sità metropolitan-a ëd Turin, dal mars dël 2016: un programa ch'a premia e a promeuva pròpi coj teritòri anté che le culture dla sostnibilità a ven-o butà an pratica, con l'aument dla conossenza dle pràtiche virtuose an sintonia con j'arzorse naturaj e la biodiversità.

An mes a tante **proteste**, varda-sì na **ProFesta** për dì sì a nê stil ëd vita fondà an sla solidarietà, an sël rispet, an sla cura dla pèrson-a, dj'àutri e dl'ambient, an sël gust dle ròbe semple e che mersì a cost èspirit positiv a l'ha ël patrossini dël sit UNESCO CollinaPo e dël Parch regional dël Pò e colin-a turinèisa.

Arlongh le contrà, le piasse e j'angoj anciarmant ëd Mombel a-i saran artigian, artista, associassion, ent d'arserca e università, che con ij sò stand a presenteran soa professionalità, sò estro, ël piassè dël bel e dlë sté ansema.

As parlerà donca ëd **risparmi energètic, d'autoproduccion, ëd mangé san, ëd tèssiura, ëd tradission e inovassion, agricoltura, solidarietà, sté bin e neuva economia ëd paisagi e biodiversità; a-i saran laboratori, gieugh, leture a vos àuta, auto d'epoca, auto e bici elétriche për promeuve na mobilità sostnibila.**

La matin i organiseroma un *flash-mob* për realisé ël sìmbol dël **Ters Paradis ëd Michelangelo Pistoletto**, n'assion coletiva che a conterà ël passà, l'avni e 'l present ispirà a la Mobilità Sostnibila.

Èl sìmbol dël Ters Paradis a l'é la riconfigurassion dël segn matemàtic dl'anfinì e a l'é fàit da tre cercc consecutiv. Ij doi cercc opòst a esprimo natura e artifissi, l'anel central a l'é la congiunzion dij doi e a rapresenta la fàuda dl'arnassita e ëd n'armonia che l'òm a peul artrové mach a travers l'arserca d'un rapòrt equilibrà con l'ambient. Donca ël prim cercc a sarà rapresentà con automòbij d'epoca, lë scond con automòbij d'ancheuj e an mes ël ters cercc a sarà rapresentà con biciclëtta, biciclëtta elétriche e auto elétriche.

Ant ël dòp-mesdì a sarà possibil partissipé a **n'agorà** an sël tema **"Èl paisagi: capital natural e bin comun, tra economia e blèssa"**, con dj'òspit d'ecession e anté che tuti a podran interven-e. Èl moment fundamental anté che ël messagi UNESCO MaB a sarà ël protagonista, portand esempi e valor valid për tut ël teritòri d'86 Comun-e dl'area oriental dla Sità metropolitan-a turinèisa e 'dcò për ël teritòri dla colin-a anté ch'a-i é Mombel. La colin-a ëd Turin: n'arsorsa strasordinaria e fin-a a ancheuj nen valorisà.

Valorizziamo l'Esistente a l'é nen na fera o n'esposission, ma na manera për conòsse e apressié tante realtà davsìn-e a noi e dimostré che: **cit a l'é possibil, cit a l'é bel, cit a l'é festa, cit a l'é convivial, cit a l'é preferibil...** ant un quàder ëd propòsta teritorial e identitaria anciarmanta. A la finitiva tuti a son protagonista, gnun a varda a Mombel ai 28 ëd magg da 9 e mesa a 6 ore dla sèira ansema për **#Valorizziamolesistente, na festa esperiensial**, realisà senza contribuù pùblich o privà, con la determinassion e la bon-a volontà ëd chi a chërd ant ij valor che a la identifico.

Organissasion: Associazione CioCheVale, Associazione Animamondo, Comitato S.U.S.A. Sentiero Umano di Solidarietà Artistico Ambientale, Forum Rebirth - La Mela Reintegrata, Ambasciata Terzo Paradiso Colline torinesi

Sostnidor: SarastusForum, Associazione Il Tuo Parco, Associazione MuovitiChieri, Associazione Asset, Premio IneditO - Colline di Torino, Associazione Senza Fili Senza Confini

Patrossini: Comune di Mombello di Torino, Riserva UNESCO MaB CollinaPo, Città di Chieri, Consorzio dei Servizi Socio Assistenziali del Chierese, UNESCO Chair in Sustainable Development and Territory Management University of Turin, Associazione Nazionale Comuni Virtuosi, Comune di Baldissero di Torino, Comune di Marentino

Media Partner: Piemonte Che Cambia, Picchioverde, Vivere Sostenibile Basso Piemonte

Për anformassion: Alberto Guggino cell. 3357267159 e-mail associazione.ciochevale@gmail.com Associazione Culturale di Promozione Sociale CioCheVale, via Broglia 12 Mombello di Torino www.ciochevale.it